

Prophéties par l'astrolo- gué du tres chrestien Roy de France & de Madame la Duchesse de Sasuoye, dédiées à la puissance Diuine, & à la nation Françoisé. caeca licet fuerint atrorum arcana, refuluo. Haec mihi Noftradamo clara Diana dédit.

A LYON, Par François Arnoullet 1572. Auec priuilege du Roy.

(In-8 de 16 ff.n.ch.)

CF. B.N. : 8fi Lb33 304 (It is the exact copy of the 109 - less the first image that is not present)

BENAZRA Pag 102 / CHOMARAT 124

Propheties par l'astrolo-
gue du treschrestien Roy de France
& de Madame la Duchesse de Sa-
uoye, dediees à la puissance Diuine,
& à la nation Françoise.

par Antoine Lescapin Nostradamus medecin
et. Astrologue du Roi de France.
Ceca licet fuerint astrorum arcana, resolo.

Hæc mihi Nostradamo clara Diana dedit.



A LYON,
Par François Arnoullet.

1572.

Avec priuilege du Roy.

Extrait du Priuilege du Roy.

IL est permis à François Arnoulet marchand libraire de Lyó, par trásport à luy fait le 24. de Mars, 1572. par M. Anthoine Crespin Nostradamus docteur, conseiller, & medecin & Astrologue ordinaire du treschrestié Roy de France & de Madame la duchesse de Sauoye, d'imprimer & mettre en véte certaines profecies dattees de l'an 1562, dediees à la puissance diuine & à la nation Françoyle. Avec intimation & deffense à tous Imprimeurs & autres de ce Royaume de ne les imprimer, ou mettre en vente en quelque sorte que ce soit, sans exprés congé dudict auteur, seur la peine de mille liures, & de punition corporelle: Car tel est le plaisir de sa maiesté. Non obstant tous edits, mandemens, restrictions, deffenses & lettres à ce contraires. Et ledict Priuilege & profecies ont esté veux & signés par Monsieur de Mandélot gouverneur & lieutenant general pour la Maiesté à Lyon: & par Monsieur le vicaire general de l'Archeuesque de Lyon: lesquels ont obey aux commandemens & vóuloir du Roy.

EPISTRE DEDIEE A LA
 puissance Diuine, & à la nation Fran-
 çoise, suyuant vne prophetie com-
 posee par M. Antoyne Crispin No-
 stradamus, docteur, conseiller, mede-
 cin & astrologue ordinaire du tres-
 chrestien Roy de France, & de mada-
 me la duchesse de Sauoye &c. Et au-
 tres choses bonnes & vtils pour vn
 chacun.



*H*onneur & gloire en tout lieu à l'admi-
 rable puissance de la maieste de Dieu,
 Aussi à la nation de France. en iceluy
 Salut, & paix par l'astrologue du Roy
 treschrestien, & de la duchesse de Sauoye tout oren-
 droit soit à iamais. d'Europe apres auoir hâté, nous
 en passant maintes prouinces, par la Dieu grace &
 volonte subiettes à diuers princes, par là le discours
 auons veu des planetes & signes caelestes qui y do-
 minēt, aussi recogneu comment tout à point iusques
 aux bestes donnent naturelle influxion aux habi-
 tans, de telle sorte qu'ils les enclinēt par cōclusion se-
 lon que leur vertu apporte, à mal ou bien, par le

trau'r destins. Parques s'est ce que se en dis reseruat
l'honneur diuin. Et du Roy auquel i' obeis d'humble
cœur, combien que dauantage d'honneur i' aye eu en
terre estrange, qu'en icelles. Dont si i' ay gaige, que
aucun ne dira au contrechange, par ce que en Fran-
ce on ne voit pas comme en regions autres sembla-
bles faire esfors ny cruelz trespass. Car francs Gau-
lois sont amyables, d'humeur diuers à toute autre
bande, soit d'Italie ou d'Espaigne, ou de la nation
Alemande. Mon aduis raison accompagne: car de
Turquie les habitans que lon appelle Asie mineur,
selon leur nature en tout temps, de leur grand Roy
Et Seigneur ont brief ordre de iustice, sans trop de
charge comme on veoit, Et entr'eux paix par telle
police. Dont par tout se crye à bon droict, Viue en
default du lys, le lyon. Car Iupiter à la Gaule domi-
ne, qui rend bons par influxion les abitans de la où
chemine. Saturne en Italie regne, son influxion luy
donnant ainsi qu'apporte son enseigne, Et Mars
cruel par consequent s'estend sur l'Asie mineur, la
où sont habitans belliqueux, ainsi que destine son
heur. Sur Alemaigne dirons mieux, son siege tient
le scorpion, qui rend subtilz Et aguissez Alemans
par influxion. Aussi sont d'autre sorte Et guises
les habitans d'Espaigne, en somme par influxion de
Mars Et Mercure qui y regnent. Mais cy se con-
somme nostre parler sans autre cure des choses qui
viend

viendroyent mille à reciter en cest endroit. Donnée
sur le mont des Sybilles le tout ce que dessus on voit,
le treze de Ianuier conté de l'an 1569. Chascun fa-
ce donques mieux de penser aux propheties & aux
gens soubs nommez, s'uyuant que contient la verité.
Viendra vn qui dominera sur toute l'Europe, qui tien-
dra des vieux en son conseil pour conseiller: des ieun-
es pour executer: & entrediendra les pauures par
pitié. Parquoy il conseruera la paix en son siege, &
tout ainsi prosperera comme ont fait plusieurs les-
quels par tels moyens sont paruenus en supreme di-
gnité & hault degré. Qui se fait Par le present en
Turquie. Beata terra vbi dominium simplici-
ter procedet, obturatis auribus calumniis. Et
ibidem animauertetur in bilingues & vento-
sos. Ecce ego ariolor, quod Turca magnus rex
subiiciet magnam partem christiani orbis,
& Iudei subiicient duas partes Turce. Et po-
stremo Christiani subiiciet illos quoscunque
ante diluuium. poenitebit eum posthac ictum
à ioculatoribus & mimis, atque laruatis: qui ta-
men inde non est mortuus.

Au Roy par son astrologue Salut.



Estant assis de nuit secret estude, fetil re
pose sur la selle d'arain, flambé exigue
fortant de solitude, fait proferé qu'il
n'est à croire à vain. Regia res homines
magnos agnoscere, dignos regibus &
non vlla Dei contemnere summi, Qui re
gum rex est, oracula mille videntes, Mille suo nutu qui
insurat apta loquentes, Nunc canos canis similes simili
arte refutans, Armis vt paribus nunc imparibus velut ar
mis, Per quos vulgus habet stultos prudentia vincens.
Sire ayez mémoire d'Antoyne de Leuc.

*A l'astrologue du Roy de France & de la duchesse
de Sauoye, par l'astrologue du grand Turc, Salut.*

Auant que vienne le changement de l'empire, il vien
dra vn cas bié merueilleux, subiugant presque le coin
aquilonaire. O docte Crespin Nostradamus, le grand
Turc mon souuerain seigneur a grad crainte & frayeur
de tes escripts que despuis dix ans les paix & guerres de
France as predict: & trop fut veritable ta voix qui me
naçoit d'vne frayeur admirable quad le royaume de Cy
pre fut pris par mondict seigneur. Encores tu fus trop
vray quand la ruine de son armee tu luy predis, l'an mil
cinq cens septante vn, par tes escripts dedans Paris. Et
pource nous tenons que tu es coeli tuba super terram.

*A tous les philosophes, Astrologues &
poetes de ce siecle.*

Lors que de ses feus vacabods assemblez par le doux
printeps le Bellier s'esgayera dans ce mois plus beau,
vne belle saison neure esclairera, bienheureux l'esprit
que

que la grace des cieus par iceux iours a voulu reseruer,
quand le grand pasteur tout a vn ralliera pasteur & be-
tail. Lors seront les coeurs nettement eclairez d'vne
sainte ardeur, verite deuolant. Et ce sera lors quand
toutes les planetes seront coniointes au signe d'Aries.
Et en ce temps qu'on verra tous les estats estre agrez
justice a son degre, & vne seule sainte eglise veiller, &
les roys & princes de la terre bien conseillez, & sans
blesse de mesure, & les impolts moderez & vn seul
Dieu adore: alors mes propheties seront paracheuees.
Car de l'aduenir par quelque coniecture ou art certain
procedant de nature diuiner est a l'homme donne de
l'eternel, despuis que l'homme est ne. D'estre diuin en
l'ame si diuine, s'est de son estre & premier origine: puis
c'est le ciel figurant en ce corps de ce bas monde ou ac-
cords ou discords: lequel prenât les iugements finistres,
& pronosticques guide d'vn seul Dieu, pere aux hereti-
ques, il ouurira la porte en suscitant l'eglise militaire.

*A monsieur le duc d'Anjou frere
du Roy Salut.*

Hercule roy de Rome & d'Annemarc de Gaule Tro-
yen surnomme, tremble, Italie, vn de S. Marc premier
sur tous monarque renommé. Penſes en ce fait a vostre
auantage: Sapiens dominabitur astris.

*A monsieur le duc d'Alençon frere
du Roy Salut.*

Il arriuera au port de Corcibonne pres de Rauenne,
qui pillera la masque marquee au point marin ceux qui
machineront vn qu'au monde sur tout ruindra Flandras
par vn il ferura de corone.

A la

A la royne mere du Roy Salut.

Meure Milan, Luques, Florence, que ton grand duc sur le char montera, change le siege pres de Venise, c'est au conte, lors que colonne a Rome changera, alors en Italie vn seul prince dominera.

A la Royne de France fille de l'Empereur Salut.

Serpens transmis dans la cage de fer, où les enfans estains d'vn roy sont pris, la republique par gens nouveaux vexe: lors blancs & rouges iugeront a l'enuers, Ex lilio & aquila dominabitur Bizantio.

A messieurs de la iustice S.

Le iuste a fort a mort lon viendra mettre publiquement, & du million estainct si grãde peste en ce lieu viendra naistre que les iugeans fuyr ferot contraincts. le fou dre a vierge fera si maleficque de terre prinse & suspen due en l'air.

A la duchesse de Sauoye & à monsieur le prince son fils par son astrologue Salut.

Dans la cité de fer fort homicide & fait bulfar ne ma ter. Retour encorez aux honneurs d'Artemide à Vulcan corps mors sepulturez: paix en temps prefix endormie sous vne tente de vengeance, qui primus alienigena ingreditur Italiam armatus, obtinebit fere tertiam partem Italia pro se & ex lege noua liberabit.

A mes Imprimeurs de Lyon Salut.

Moult d'esprits les grans lies & trousses. de peur trébler la Romanie & Espagne, premier mourra qui en fera la prenuet ouler Venise en l'editio les traistres & sodomistes, s'il y en a point en Italie, de haut bien bas descendront promptement

Au Pontife Romain Salut.

Le Roy de Blois dans Auignon reïgnér vn autrefois, les conituez quatorze d'vne secte, par le rousseau semer les entreprises. & le S. siege sera remis au corps spirituel, qui sera tenu pour vray siege. la terre aridee en siccité croïstra. & grand deluge sera aperceu soudain: qui sera faict pour despit de marrás & Iuifs, qui tiennent vne loy a sa saincteté contraire.

A monsieur le baron de la garde Salut.

Dans les Isles si horrible tumulte rien n'aura qu'vne belliquebrigue, troublee l'emprise à Philippe tributaire, Auignon & Carpentras pour les Iuifs en grand trouble fera.

A mes Imprimeurs de Paris Salut.

En nombre sexte de philosophes mesprisans. hôneurs & richesses, d'humain tropeau neuf seront mis à part, de iugement & conseils separez.

Aux autheurs de disputations sophistiques par l'astrologue susnommé Salut.

Le grain du foudre tomber d'heure dieurne, mal pre dict, porteur postulaire, victoire incerte, trois grands couronneront aigle, coq, lune, lion, soleil & marquera par trois l'empire soubiugué & exalté, vindicté, paix par mort s'acheue à l'heure. siecle approche de renouvel-
lation.

Au duc de Lorraine.

L'arbre, qu'auoit par long temps mort seiché, dans vne nuit viendra à reuerdir, alors Lorraine recouirera son pays d'vn qui viendra les loys exterminer.

*À la maison de monsieur de Gasse grand
maître de France*

si Gallus, puis aux nebles Romains plân-
sés, mais morts par cécité débile, le deux de bresse au
ront cōstruit Turin, Verceil, que gaulois fouleront; ainsi
que la robe achève son grand siecle, par autres veu-
rs deshonore.

À la maison de monsieur de mont Pensier.

Le grâd bastard yssu du grain du Maine ce iour fouge-
tes pointe en sang entrera, de leur senat sacrilte fait
hoiteux faire scauoir aux ennemis l'affaire.

*À la maison de monsieur d'Enuille & de Montmo-
renoy & du Toret & de Meru.*

Le grand empire sera tost tranlaté en lieu petit qui
bien tost viendra croistre, la dame antique cherra de pla-
ce haute. De meisme secte plusieurs seront occis.

À monsieur le conte de Charny.

Au costé gauche à l'endroit de Vitry seront guettez
les rouges de France. Romains fuis o, gaule repoulee
près du Thesin, Rubicon, pugne incerte.

À la maison de monsieur de Bourbon.

La grand peste de cité maritime ne cessera que mort
ne soit vengée, que pour complaire aux malheureux de
Nolo, plainte d'auoir fait à son chef mocquerie.

À la maison de l'Euesque de Grenoble.

si Dans peu dira brute faule fragile, mercurialistes, que
pour la bande rouge, falché fera de bas en haut esleué
promptement, que de son changer subit s'approche l'a-
ge, ny pour son bien, ny pour ses malefices ny edifices
ne pour

ne pourra tenir nullement, se prend par prince étranger.

A la maison de monsieur de Nemours.

Derrière leurs flancs seront guerres cruelles, la
playe antique sera pis que sa venue, leur duel trahi par
legiers folie, le sang nager par tout à la traquer.

A monsieur le chevalier d'Enghoulmes sup
Regne gaulois, tu seras bien changé: En lieu étranger
est traillé l'empire sera abbatre horrible rigueur,
par effroy portés luy seront reserrees.

A la maison de l'Empereur.

La grand copie qui passera les monts, Saturne en Arab
tournant du poisson à mars les douze rouges viendra
souiller la nappe sous meure se viendra perpetrer.

*A monsieur de Bellou maitre des requestes
de l'hostel du Roy.*

La mere à tours du fils ventre aura enflé, cache verdu
re des fueilles, papillon en Carcassone par disgrace pro-
pice, sera posé pour plus ample seiour.

A la maison du grand Chancelier de France.

Que peste & glaive n'a peu desiner, mordants le puis
sombres du ciel frappez, punis d'edit, chassez comme
celestes, & mis à mort là on serot trouvez, puis de nou-
veau les guerres suscitees.

A la maison de messieurs les Flehards de Grenoble.

Du tour Marseille des habitants changée, course &
poursuite infqu'au pres Lyon, de nullet au loy serot la
pieque; nul sans zinois subit sera surpris; la langue arabe
be en François traillade. Et quant aux salus moments
evanesce & adieu.

A la maison de monsieur le prince de Conde.

Sur la mynuit, conducteur de l'armee se sauuera, soudain esuanou, que sera pire qu'à eux oncles ny peres y fer, eue, feu sanguin, & humain, que n'y aura nul qui bouge des ordonnances par luy secutees, capitaines & soldats prenez double coeur.

A monsieur le grand Admiral de France.

Le tyran Sienneg occupera. Sauonne, le fort gaigne, tiedra. classe marine leur grand cite d'vrléments, plaincts, & cris. Castor & Pollux, ennemis dans la lice coeur haut prendront. mer, terre, peuple son estat changera.

A la maison de monsieur le prince de Navarre.

Bouche sanglante dans le sang nagera, au sol la face oincte de laict & miel, feu, grand deluge plus par ^{graves} ptes que de long siecle ne se verra refaire. Mercure au feu les aura descouuert.

A la maison de monsieur le conte de Rex.

Au mois treziesme se leuant le soleil, sangler luy apert aux champs. Mars pour combattre, secours marin viendra d'aute voile: quand à Espaignols ouurira toute veine, qui aydera fer dans playe sanguine. apres pille, bon aduis tard donne.

A la maison de monsieur le conte de Tende.

Le lyon ieune les vieux surmontera. en champ bellique par singulier duelle: qui dans Aisonne Millan perdra la guerre, & tout son ost mis à feu & à fer. Est saige celui qui alors tiendra.

A monsieur le Cheualier de Byrague Lieutenant de monsieur le prince de Piedmond.

D'Arras

D'Arras & Bruges de brodes grandes enseignes : vn plus grand nombre de gascons battre à pied, sus les trois pars fera fleurir son sceptre contre la cappe de la grand hierarchie.

A la maison de monsieur de Carces.

Vous verrez tost & tard faire grand change, vn Empereur naistra pres d'Italie, qu'à l'Empire fera vendu bien cher, pour saouler ceux qui de faim failliront.

A la maison de monsieur de Tauannes.

Qui au Navarrois paruiendra, qu'à de Sicile & Naples seront ioincts : mais viendra bien plus haut confenser que tout son sang par mort fera desfaire.

A la maison de monsieur le Marquis de Villars.

Là republique miserable & infelice sera vastee du nouveau magistrat. par refus ville, terre & mer entamer. morts & captifs le tiers d'vn million.

A la maison de monsieur de Fises secretaire des commandemens du Roy.

Paix, vnion sera, & changemens, estats, offices, bas haut, & haut bié bas. la ligue neuue d'Aufone faire guerre, que contre eux mesmes ils se viendront bander.

A la maison de monsieur de la Trimouille.

De gens esclaves chansons, chant & requestes, captif par princes & seigneurs, aux prisons, lors France enfante par mort soubinguera. le grand regent sera alors plus contraire.

A la maison de monsieur de Villeclair.

L'vn pour bon prendra vn ambigu sinistre, la partie foible tiendra par bon augure le cœur captif, & petites

saoyes seront reconnoy par le iuy d'armes

A la maison de monsieur le conte de Sain.

Rhodes, Bizance pour leur exposant pole, terre faudra les poursuivans de suite, corps, ame, esprit ayant toute puissance sans loubes ses pieds, comme au siege *cedique.*

A la maison de monsieur de Cental.

Desdans Turis seront ars les premiers, lors que de dueil Lyon sera transi, son aduerfaire apres plusieurs combats par mer chassé, au besoing faudra. Il entrera vilain, meschat infame, tyrannisant paillon Royné & Duc, sous la comete, que nul aux sacres ne sera assure.

A la maison de monsieur de Maluesiere.

Ne en ce monde par derompre l'inclination de Saturne au temps de dueil, que le coelin monarque les conuerez descouverts par matrone, à loy des Arabes les viendra conuertir.

A monsieur de S. Iullian president en Piedmont.

Le christ trois bien tost en nichien vingt & sept ans sang durera la guerre, auant sa mort un long temps languira, apres sa mort lon verra grand merueille.

A la maison de monsieur de Suse.

Le soleil éuan vn grand feu lon verra, bruit & clarté vers aquilon tendant pres du riuage à raser la mesure du grand solman en terre tomberont.

A la maison de monsieur de Mandelot.

Muraille antique par cauons enfrondree, par feu & sang au mercy peu receue, que l'aigle en brief dominera dans Millan l'eschele aux murs la cite repencie.

A la maison de monsieur de la Raspo Guion.

Terroir

Terroir **Romain** qui interprétoit angre par argent gar-
loise sera par trop vexee. Il volera faitant choses si hau-
tes, en hyérarchie n'en fut oncq' vn pareil.

Au grand Turcq en Constantinable.

La **lune** au plain de nuit sus le haut mont, le nouveau
sophe d'vn seul cerueau l'a veu, aux heretiques il ouuri-
ra la porte, en fuscitant l'Eglise militaire. Dedans le rond
mortels cris. Ion verra par glaifue, feu, fain, & les at-
tendans.

A monsieur Pierre Abelli grād philosophe à paris.

Cela du reste du sang non espandu, hettusque & Cor-
se de nuit gorge allumee, Venise quiert secours estre
donné, Pise, Ferrare, Turin terre interdite, citez liures
au premier corner, Sone auprès de fleuve, de sang la ter-
re teincte, ou à milieu viendra poser son scepre.

*A monsieur le president de Purpurat Seneschal
du Marquisat de Saluces.*

Dans le conflict le grād qui peu valoit, à son dernier
fera cas merueilleux. viendront si haut esleuez, enguere
ris, venger l'iniure, ennemis succombez.

A la maison de monsieur le Due de Bauillion.

Mont alban, Nismes, Auignon, Besiers, peste, tomer
re, gresse tombera, qui telle loy tiendra pour ennemie
lors les grands freres morts, & dissensions.

A monsieur de Lansac.

A Rome naistra deux monstres à teste double; loing
de la court sera contrémandé, la grand noise naistra, qui
fera clame. par lyon misé sera en extremité.

A la maison de la princesse de la Roche sur ton.

Peuple

Peuple infini par la mer passera, sans eschapper un quart d'un million, tant viendra dehors grande assemblée. Tremble vienne le pais d'Autriche.

A la maison de monsieur de la Mante.

Le grand sepulchre du peuple Aquitanique s'approchera aupres de la Toulquane, aux foibles portes clammee menee mettront feu, mort, de sang effusion.

A la maison de monsieur de Gorde.

La citee prinse par tromperie & fraude, par le moyen du beau ieune attrappé au puis brises fulgures allants outre trois sur les chaines par le milieu troussiez.

A monsieur le conseiller Trossy.

Surnom de chausses par hume luy poithume: oncq Roy ne feut si pire en sa prouince, famine, glaiue, tard le secours pourueu, la Perse tourne enuahir Macedoine. serrez en cages se verront vis à vis.

A la maison de monsieur le conte de Bryssac.

Puis grand peuple par la langue effect duira plus que nul à l'autre, aura brust. de terre on crie ayde, secours celiques, quand pres des meurs seront les combattants, par terre & mer, secourront en toutes pars.

A la maison de monsieur de saint Chaumont.

Prince Libyque puissant en occident François d'Arabe viendra tant en hamer un nombre estrange. l'armee de coqueuleuses viendra, l'emprunt du traditeur failly.

A la maison de monsieur de Maugiron.

Classe Gauloise par appuy de grand garde du grand Neprine & ses tidents soudain bourg & citee auront plus grand debat, Calais, Narbonne auront coeurs esprouuez.

A la maison de monsieur de Bonnes.

Le saint Empire viendra en Germanie, la paix s'ap-
proche & guerre, d'un costé & d'autre. garde toy Roy
Gaulois de ton nepueu, par feu, peste, feu, canon peu-
ple mourra.

A monsieur de Saugny Salut.

L'Abbé mourra, quand verra ruinez ceux du naufrage,
l'escueil voulant grapper, ô quelle horrible calamité,
changemens auant que mars reuoulu quelque fois.

A la maison de monsieur de Traict Salut.

Tant de malfaiçts par moyen de grands rouges. dedés
le goire seront les coups de dards pendent qu'Adrie ver-
ra ce qu'il failloit, leur chef pendu à fil de polemars du
leune noir rempli de felonnie.

A la maison de monsieur de saint Supplice Salut.

Poignant poison & lettres au collet, le pere & fils se-
ront meurtis ensemble. le prefeuteur dedans son pail-
lon, qu'on se viendra ranger à la grand lignes.

A monsieur le cheualier de Seure Salut.

Si fort horrible que ieunes, vieux & bestes, les enné-
mis du fort bien esloignez. le grand de Bloys son amy
tuera, que les Iugeants fuir seront contraints. premiers
en bresche entrez victoire aurót de la masque marquée.

A monsieur de Longueville Salut.

Plus aux rochers qu'aux viuants viendra quine par la-
gue aornee. d'oreilles rassasiez du sang des rouges. fera
l'yre assouuie. lors l'infidele dieu de faim voguera.

A monsieur le Baron de Monellon Salut.

La dame grecque de beauté laidique captiue prinse.
C mourir

mourir mort miserable. vn Clement, Iule & Ascans recu
lez, l'espee, clef, aigle n'eurent onc si grand picque.

A la maison de monsieur de Piene.

La grand cité d'Ocean maritime enuironnée de ma-
rets en cristal, du fait antique ennobly l'intenteur.
par sectes monde confus & icifmatique.

A monsieur du Perat.

Dans Pelligouze sera commis l'outraige de la grand
dame assise sur l'orchestra. occultes haines ciuiles & de-
bats retardent aux bouffons leurs folies.

A la maison de monsieur de sainte foy en Perigou.

Albi & Caltrés feront nouvelle ligue. esleu en pape
d'esleu sera moqué par langues estranges. seront ten-
dus toutes fleues, dards, renés. terre & mer tremble-
ront.

A la maison de monsieur de Cursol.

Plus macelin que toy en Angleterre, lieu obscur nay
par force aura l'Empire. froid, siccité, danger vers les fro-
tieres, mesmes où l'oracle a prins commencement.

A monsieur de Neuers.

Le rouge blasme le masle à l'interregne. le ieune crain-
cte & fraieur barbaris. le grad chien osterà du loing tous
les captifs par Seline banniere. le gros traffit du grand
Lyon changé par negligence des Gaulois, sera passaige
à mahumet ouuert.

A la maison de monsieur Durse.

Des Roys & prince dresseront simulacres, augures.
creus, esleuez aruspices, rudriche neufue. la grand nef
couloze a vaincu, & victoire en bruisse.

abps

A mes

A mes Imprimeurs d'Angleterre.

Gadon, Nemaus si haut des borderont, qu'on cuidera
Deucalion renestre. chevaux, bœufs, hommes l'onde
mur touchera: lors le monarque d'Adrie succombé.

A la maison de monsieur de Rouneres.

Dans le milieu de la forest mayenne, sol au lyon la
foudre tombera. la pierre en l'arbre, la fiere gent réduite.
bruit humain montre purge expiation. la vie demeure. a
raison Roy se change.

A mes Imprimeurs d'Italie.

Tous les amis qu'auront tenu party, oncq Romain
peuple ne fut tant outragé. ton sang viédra aupres de la
crascher, toy & les tiens quand destleurira la rose. cha-
steau, palais en conflagration, qu'en demeurera plus de
deux millions en confusion.

A Monsieur de Ioyeuse.

Le moyne noir en gris dedans varènes esleu cap. cau-
le tempeste, feu, sang, trenche l'estat des masquez & de
ceux bien changé peu trouueront qu'à son rang vueille
estre.

A mes Imprimeurs d'Hongrye.

Senat de Londres mettront à mal leur Roy. Gand &
Bruxelles sacageront Enuers. par luy grand peuple sans
foy, sans loy mourra. tué par vn coup plus d'un million.
tant de mal faicts par moyen de ce grand rouge. le nou-
veau fait conduira exercite, qu'à sa réuolte fera de sang
grand cours. rai de temples le thesor par deuant l'esprit
diuin fera l'ame felice voyant le verbe en son eternité.

Aux Courtisans.

La grand cité sera bien desolée des habitants vn seul

ne demeurera. In corte dinari, fauori, patienta & bona
forte con diligenza Pecunia obediunt omnia. Se tu ha-
uessi di modestia piu che l'huomo no scia cōprendre, re-
starai come vna bestia se non hai dinari a spender.

Au Coronel Stroce.

Par non flateurs seras mis en enuie. Roy desrobe trop
de foy en cuisine. la grande dame quand se verra vain-
cue fera excès de masculin couraige.

A monsieur de Forquenaux.

Captiflibere faux dire & perpetrer, roys dehors estre
loing d'ennemis, tiendra sa forme estrange, suauē & hor-
rique. par mer aux murs bien tost les ennemis.

A monsieur le president de Lauris en Prouence.

La trompe faulse disimulant folie fera Bizance vn chā-
gement de loys. Mutant munera sæpe cōsilia sapientum,
& subuertunt verba iustorum.

A la maison du visconte de Cadener.

Sept ans fera Phil. fortune prospere. rebaissera des Ara-
bes l'effect. ô quel soupir fera la grand mesme. Enfans
narbon à l'entour quel pitie.

A monsieur le Marquis de Cadilla.

Le vieux monarque deschassé de son reigne, aux
orientes son premier cours ira querre. pendent le ciel si
tresfort tonnera. portee noeue. roy tuera foy mesme.

A la maison de monsieur le Conterol-

leur Chastellier.

Mars & Mercure de l'argent ioinct ensemble vers le
midy extreme siccité. le ieune prince accusé fausement,
mettra en trouble le champ & en querelles.

A la

A la maison de monsieur de Falcon.

Nice sortie sur nom des lettres aspres. la grande cap-
pe fera present non sien. feu couleur d'or du ciel en ter-
re veu frappe du haut nay. faict cas merueilleux.

*A la maison de monsieur de Cheminade
au conté d'Auignon.*

D'un tiers plus grand l'estrange belliqueux mouton.
Lutece, Aix ne garantira. le Roy des Isles sera chassé par
force. mis à son lieu qui de Roy n'aura signe.

A monsieur Jean Genevois à Lyon.

Le faux messaige par electio feinte par vrben rompue,
pasche arrestee point ne admet les grans à deliurance.
les ennemis seront remis à propos.

A monsieur de sainte Ialle au Dauphiné.

Lots que Venus de sol fera couuert, sous la splendeur
sera forme occulté, les exilez par ire, hayne intestine fe-
ront au Roy grande coniuration.

A la maison de monsieur de Clermont.

Avec le noir repas & sanguine ire, yssu du peaultre de
l'inhumain Neron mahumet contraire plus. mer Adria-
tique, cheuaux, & d'asnes en rongera les os.

A monsieur de Roquelare.

Par gent estrange & de Romains loingtaine leur grad
cite apres eue fort troublee, heureux celuy qui tost se-
ra premier d'auoir refuge sous le noble laurier.

AUX FAUX IUIFS EXECRABLES
bles & marrans, chicaneurs & reuolteurs de procès, vsuriers, faux monnoyeurs, trompeurs & affronteurs aux cours du Roy, princes ou autres seigneurs si aucun s'en retrouue, qui donnēt ordinaire cōseil de ruiner le pauvre peuple, Par l' Astrologue du Roy & de la duchesse de Sauoye tout deshōneur.

AVx faux Iuifs & à vos semblables, comment voulez vous que lon vous honnore, ne les Turcs? car les Chrestiens ont guerre ensemble, se font mourir les vns les autres sous pretexte de diuerse chrestienne religion. l'on vous peut asseurer que ne ferez plus caressez du pontiphe Romain ny de ses supposits: car la comete que nous veismes dernièrement en la magnifique cité de Langres en Châpaigne, vne autre comete que nous veismes dans le palais du duc de Sauoye à Turin, vn autre monstre prodigieux que nous veismes sur la montaigne des sibilles, nous demonstre vostre ruine, ensemble de tout les hypocrites & autres egarez du sentier legitime. Car nous voyôs qu'en brieſ vous ferez executez cōme les François qui furent executez le vendredy saint en Sielle, quand les Espaignols tuerent par trahison tout les François dans les eglises. La terre neufue sera en ses hauts estres. au sainginaire les nombres raconter. pres, maisons, champs, villes prendre à plaissance, faim, peste, guerre, arpan long labourable. grand meurtre humain d'vn grād le veu morts d'espectacles. non eschappez les orgueilleux. Du cœur humain exalté par orgueil les filles d'aigles puissent arracher l'œil. retournez vo' vers la diuine grace Iuifs malheureux deuant q̄ soleil passe. Car vous ferez deceux du pōtife Romain. Surget gēs in gētē, & pater aduersus filiū, & fili⁹ in patrē, frater in fratrem. & tandē erit consummatio mundi per ignē quam primum.

S'ensuit la domination des planetes & signes celestes aux lieux & terres soubz nommez qui enclinent les parsonnes qui y habitent en leur naturel: compose & calculé par l'astrologue du Roy de France & de madame la duchesse de Sauoye.

Premierement Saturne domine sur la droite partie de septétrion sur la terre & l'eau, sur la melancholie, & aucune fois sur la phlegme crasse, sur les oreilles, la ratelle, la vessie, l'estomach, les nerfs & les os: & signifie gens palles ou noirs, maigres, pensifs, solitaires, craintifs, refuseurs, graues, contemplatifs, laboureurs, mafons, acheteurs de rentes, vsuriers, mesnagers, pecheurs, marchans d'huyles, cuirs, poissons, tuilles, pierres, alums, gens de profond sçauoir, autrement traitres en toute sorte. Et aussi Capricorne domine sur le cœur de midy sur la terre, melancholie, & à Macedoine, Indie, Brandebourg, Ancone & vne partie d'Italie, Constance, Gand, Malines en Frandres: & signifie les gens de petite stature, petite teste ronde, & la face brune, & beaux yeux, coleres & tristes, cauts, secrets, prudents, laboureurs, pasteurs, pescheurs, nautoniers, mesnagers, acheteurs de rentes. Et aussi Aquarius signe de Saturne, domine sur la partie gauche d'Occident, sur l'air & le sang, & domine en Arabie, Ethiopie, Tartarie, d'Annermarc, le Piedmont & Montferrat. Il signifie belles gens, beaux visages, longue la face & vn peu rouge: gens affables, sociables, auares, prudents, adonez aux actes Saturnins: autrement les meilleures gens du monde. Voila les complexions de Saturne & de ses signes.

*Secondement s'ensuit la domination de
Iupiter & de ses signes.*

Iupiter

Iupiter domine l'Occident, l'air, le sang, & les esprits
 vitaux, les poulmons, côstes, foye & arteres: & signifie
 gens de bonne stature & de face pleine, chauues, cresp-
 pes, blâcs avec vne plaisante rougeur entremeslee, ayâs
 les yeux assés grâs, les narilles assés courtés, les dents
 premières assés grandes: gens hōnestes, grâcieux benins,
 religieux, abbez, euesques, prelats, officiers, iuges, magi-
 strats. Avec copulatiō de Saturne signifie negromantiés,
 enchanteurs, exorcisateurs: avec Mars, medecins: avec
 le soleil appaiseurs de querelles, cōtrouesses & disputa-
 tions: avec Venus musiciens: avec Mercure mathemati-
 ciens: avec la Lune geometriens, geographes & hydro-
 graphes. Laquelle planete rend les gens benins & faci-
 les à estre deuis & trompez: & son premier signe, qui est
 Sagittaire, domine sur la droite partie d'Oriēt, sur le feu,
 sur la cholere, sur la fin d'autonne, sur les cuisses & tou-
 tes parties superflues, comme vn sixiesme doit &c. & re-
 presente gens de haute & droite stature, la face iaune
 ou roussatre, la poitrine ample, les yeux de chat: gens hū-
 stes, pitoyables & ceremonieux, iuges, magistrants, pre-
 lats, benefices, marchans, chasseurs. Et le dit signe do-
 mine Espagne, Arabie l'heureuse, Portugal, Hongrie,
 Salanomie, Volterre, Mutine, Bude, Cracouie, Narbon-
 ne, Aignon, Tolote. L'autre signe de Iupiter qui est pis-
 ces, domine sur la droite partie de Septētriō, sur l'eau,
 phlegme, aquositez & sur les pieds, sur la fin de l'hyuer,
 & domine sur le pais de Lydie, Lycie Cilicie, Paphlie, Ca-
 labro, Normandie, Ratisbonne, Rouā, Compostelle: &
 signifie gens de couleur blanche, delicats, beau front, bel-
 le poitrine, belle barbe, les yeux ouuerts & assés grâs,
 assés maladifs, pescheurs & navigateurs: & reseruant la
 Normandie, encline toutes autres gens en la dite cōple-
 xion pour ce que Mercure domine à la dite prouince.

Tiercement

*Tercement s'ensuit la domination de Mars
& de ses signes.*

MARS domine le midy, & le feu les humeurs cholériques, les reins, la gorge, les narilles, le fiel & les genitoires, le pais des Sarmates, Getulie, Lombardie, & de nos gens rouges de visage, le poil roux, la face ronde, les yeux jaunes, horrible regard, gens furieux, cruels, hazardeux, superbes, fedicieux, soldats, capitaines, forgerons, charbonniers, boulangers, alchimiste, armuriers, fourniers, bouchers, chirurgiens, barbiers, sergents, bourreaux, selon qu'il fera bien ou mal dispose. Avec Saturne communement signifie chirurgiens: avec Iupiter medecins & physiciens: avec le soleil medecins occultes: avec Venus barbiers & condéurs: avec Mercure gens industrieux à faire phlebotomies: avec la Lune arracheurs de dents & barbouilleurs des oreilles. Et son premier signe est Aries, qui domine sur le cœur d'Orient; sur le feu, sur les humeurs cholériques & adustés, sur le commencement du printemps, sur la teste, le nez, la face, les oreilles & les yeux: & domine Bretagne, Allemagne, Idumee, Judee Angleterre, Naples, Florence, Faence, Iniole, Capue, Ferrare, Vicéce, Verone, Paue, Cracouie, Marseille, Sarragosse. Et signifie gens maigres, roux, camus, choleres, robustes & adroits, gens de guerre, capitaines, souldars, alchimistes & autres martialistes qui sont de là nature de Mars. Son second signe est Scorpio, qui domine sur la partie gauche de Septentrion, sur l'eau, sur les humeurs phlegmatiques & aquositez, & sur les parties dediees à generation, & sur le pais de Capadoce, terre de Mores, Catalogne, Bauieres, Trapezonce, Saxo, Padue, Vrbin, Brixie, Valence en Espagne, Vienne en Dauphiné. Et signifie gens assez difformes, la poitrine large, la teste mal faicte, grans parleurs, moqueurs, mé-

D teurs,

teurs, gouuernans, voluptueux, traistres, espies, empoison-
neurs: autrement la milleur gent du monde.

Quartement s'ensuit la domination du So-

leil, & de son signe.

T Le soleil domine sur l'Orient & midy, sur le feu, sur
le sang pur, & sur les esprits vitaux, sur les yeux, sur
le cerueau, sur le cœur & sur le pais d'vne partie d'Ita-
lie, Sicile, Boheme: & signifie gens saigs, prudens, dis-
crets, cupides de gloire & d'honneur, de mediocre ou pe-
tite stature, couleur brune, grande barbe, les yeux jau-
nes, la face marquée, grosse voix & asses mal plaisante,
gens honorables, officiers, magistrats, seigneurs, prin-
ces, Rois & gouuerneurs des pais, & grans chasseurs: au-
ec Saturne denote rentiers, principaux metajers &
laboureurs honorables: avec Iupiter beneficiez, prieurs,
abbex & prelats, ou iuges & officiers de iustice: avec
Mars capitaines & conducteurs de guerre: avec Venus
gouuerneurs des biens des princesses, & officiers d'icel-
les: avec Mercure conseillers, secretares, chancelliers:
avec la Lune legats, embassadeurs & messagers honno-
rables. Son signe est Leo, qui domine sur la partie gau-
che d'Orient, sur le feu, sur la cholere, sur le cœur, esto-
mach, foye, dos, & domine la Grece, Achaye, Crete, Me-
sopotamie, Assirie, Cilicie, Athenes, Rhodes, Alexâdrie,
Hierusalem, Corinthe, Tarente, Beneuente, Ferrare, Pa-
uie, Basle, Paris, Lyon, Tholose: & signifie belles gens,
droits, le nez large & petit, grandes oreilles, vn peu
estranger regard, la face brune, le corps rougeastre, chau-
ues, magnanimes, princes, officiers, magistrats, gouuer-
neurs, Roys. Reseruant l'Italie, la ou Capricorne domi-
ne, qui luy oste vn peu de sa benignité.

Cinque

LEO

Cinquiemement & ensuit la domination de Venus & de ses signes.

Venus domine sur la droite partie d'Orier, sur l'air & l'eau, sur la mixtion de phlegme, sang, esprits & semence de generation, sur les reins, ventre, nombril, foye, dos & autres parties dediees a generation: & sur le pais d'Arable, Aultrie, Suisses: & signifie gens blancs ou bruns avec quelque rougeur entremeslee, belle face, plaissant regard, le nez aquilin, les cheveux pleins, iol yeux, liberauls, rians, plaissants, danseurs, entreteneurs de dames, ioueurs, parfumeurs, musiciens, messagers d'amours: avec Saturne signifie prebistres & autres qui charrent & assistent ioyeuement aux sepulcres & morts: avec Iupiter musiciens & autres qui chantent les louanges de Dieu en hymnes solennels: avec Mars trompetes & tabourins de guerre: avec Mercure chanteurs de rythmes & poesies: avec la Lune chanteurs de vulgaires chansons. Son premier signe est Taurus, qui domine sur la partie gauche de midy sur la terre, sur les humeurs melancholiques, sur le milieu du printemps, sur les machotiers & col, & sur les pais maritimes d'Asie la molindre, Cypre, Mede, Perse, Campanie, Lorraine, Boulogne, Sene, Salerne: & signifie petites ges charnus, grosses espaules, grands yeux, le ventre l'arge, gens laboureurs, liberauls, veritables, voluptueux, messagers d'amours, danseurs, ioueurs. Le second signe de Venus est Libra, qui domine sur le coeur d'Occident, sur l'air, sur le sang, sur le commencement d'automne, sur le Rin, & sur le pais de Baetiane & Caspie, Thebes, Trogloditique Ethiopie, Tulle, Austrie, Sauoye, Dauphine, Gaete, Plaisance, Argent, Vienne d'Austrie, Francfort, Spire, Auguste, Arles, Lubone: & denote gens simples, honnoraables, belle face avecques blancheur de tout le corps, les yeux vn peu

troubles on galter, ioueurs, danseurs, musiciens, chaf-
seurs, iuges,

*Sixiement s'ensuit la domination de Mer-
cure & de ses signes.*

Mercure domine sur l'eau & la terre, sur les esprits
animaux & sur la confusion des humeurs, sur les
mains, pieds, bras, nerfs, langue, bouche, dents, & sur le
pais d'Aegypte, Grece, Angleterre, Flandres, Paris: & si-
gnifie gens ny blancs ny noirs, maigrès & de petite sta-
ture, & longs doigts & face loque, le front esleue, le nez
long & longuet, peu de barbe, les cheueux pleins, les
yeux petits, & hastifs. gens futils, ingenieux, inconstants,
rimeurs, poetes, aduocats, orateurs, philosophes, diui-
neurs, arithmericiens, marchans & negociateurs: & avec
Saturne, geometriens & architectes: & avecque Iupiter,
legistes, canonistes, & ceux qui gardent les registres &
benefices des eglises & proces: & avec Mars, sergeas de
bande, archers de garde &c. avec le soleil maistres d'ho-
stels de princes & grand seigneurs, & leurs secretares
& despensiers: avec Venus musiciens, apoticares, per-
fumeurs: avec la Lune, voyageurs, messagers & trafi-
queurs. Son premier signe c'est Gemini, qui domine sur
la partie droicte d'Occident, sur l'air, sur le sang, sur la
fin du printemps, sur les espauls, bras, mains, & sur le
pais d'Hyrcanie, Armenie, Mantiane, Cyrenaique, Mar-
marique, Egypte: & signifie gens de mediocre stature,
belle face, beau corps, abondans en poil, petis yeux, ges
laborieux, subtils, ingenieux, prudets, dociles, fraudules,
arithmeticiens, geometriens, astrologues, orateurs, poe-
tes, aduocats, diuineurs, negociateurs. Le second signe
de Mercure c'est Virgo, qui domine sur la partie droicte
de midy, sur la terre, sur la melancholie, sur les boyaux,
ventre

ventre & diaphragme, & sur le pais d'Achaye, Chere, Mesopotamie, Assirie, Cilicie, Athenes, Rhodes, Alexandrie, Hierusalem, Corinthe, Tarète, Beneuete, Ferrare, Balle, Pautie, Paris, Lyon, Tholoze: & signifie gens de mediocre gradeur, le corps droit, belle face, bonevoix, les cheueux crespes, petits yeux, prudets, dociles, ingenieux, cupides de gloire & d'honneur, escriuains, arithmeticiens, geometriés, batelleurs: autrement la meilleur gent du monde.

*Septiemement s'ensuit la domination de
la Lune ☾ de son signe.*

LA Lune domine sur la droicte partie d'Occident, sur l'eau & sur la phlegme, sur les fleurs menstrues & semblables superfluites, sur l'estomach, le ventre, le cerueau, le poulmon, les mammelles & les yeux, & sur le pais de Flandres & Afrique: & represente gens de belle stature, blancs, à la face ronde & maculee, les yeux vn peu noirs & assez eminens, la barbe longue & les sourcils ioincts, gens amiables, pacifiques, modestes, voyageurs, peregrinateurs, chasseurs, embassades, legats, consuls, iudics, assesseurs, gouverneurs de ville, principalemet en faict de police. Auec Saturne signifie charretiers & viles negociateurs. Auec Jupiter geometriens & geographes. Auec Mars arracheurs de dents, alchimistes & souffleurs. Auec le soleil, messagers honorables. Auec Venus paquetiers. Auec Mercure, poetes, rimeurs, messagers, voyageurs, traffiqueurs: & son signe qui est Cancer, qui domine sur le coeur de septentrion, sur l'eau, sur les humeurs crues & phlegmatiques, sur la poitrine, les costes & poulmon, sur les mammelles & l'estomach: & represente gens amiables, pacifiques modestes, blancs, la face remplie, le nez longuet, larges espaulés, peu de barbe, & vn peu paresseux & inconstans & pusillan-

mes, nauigateurs, peregrinateurs, consuls, iudiciz & gouverneurs de republicques. Et domine, au pais de Bithinie, Phrygie, Carthage, Escosse, & le Royanme de Grenade, la conté de Bourgongne, Brusie, Hollande & Zelande, Costantinoble. Et voila messieurs les lecteurs, cela s'entend ceux qui dominant desoubs le lys & sous l'aigle & Lyon. Et pour donner entrede aux voyageurs tant ieunes que vieux, pour scauoir quel reueoindre trouueront aux dicts pais susnommez, pour se garder d'ignorance & de murmuracion; qui pourroir estre contre Charles neuieme, Roy de France, & madame Marguerite de France, ducesse de Sauoye & de Berry, de m'auoir substitue pour leur astrologie ordinaire, de tacher ce que nous voyons estre bon & utile a vn chacun, & qui ne soit poinct murmure contre modit seigneur, de tenir astrologues flateurs, comme au present on murmure contre le pape de tenir les faux Iuifs execrables en si grand honneur; dans ses terres & domination: En toute humilité ie prie la puissance diuine qui vueille illuminer le pontife Romain, a remedier en ce fait & autres qu'auos reserue les communiquer a la maiesté de mon Roy, & autres seigneurs qu'appartient de ce faire. Autrement tenebres sur terre par la reuolte du peuple Chrestien, iusques que les infideles se meslerot de ce fait. Qui s'aymera, & se doubtera, se garde: Car ce que nous disons contient verité.

F I N.

